

日本漢文學百家集

王焱 編

462



YSP
北京燕山出版社



王焱 主編

日本漢文學百家集
462



北京燕山出版社

第四六二册

熙朝詩薈 卷七十九至卷九十一 友野霞舟 編 弘化四年……—

熙朝詩薈

七十九之八十一

熙朝詩薈卷第七十九目錄

伊藤一元 二十二首

赤松鴻 四十首

赤松勲 六首

井通熙 二十五首

赤松綸 一首

皆川愿 十三首

富士谷成章 十首

宮崎奇 一首

中井積善 三十四首

篠崎應道 三首

片山猷 二首

木弘茶 一首

鈴木雍 一首

熙朝詩薈卷七十九

江都 友野瑛 子玉輯

伊藤一元

字吉甫號冠峯伊勢人家世巨商少尚質素不
修儀容日夜讀書淡於勢利以家產委之兄弟
遊學尾張受業於元淡淵又好醫在尾五年後
遊歷諸州晚年隱居於美濃笠松里買田數頃
而自養徜徉山水讀書講業教授子弟勸止以
禮鄉里慕悅其在尾與南宮喬卿情交尤密元
淡淵東行之後其門人從事經義者推喬卿操

練歌詩者推吉甫有醫生云澤者家素富豪頗
好學愛吉甫才以妹妻之贊襄使益修其業意
在厭喬卿吉甫悟其意稱有目疾而廢業使其
門人皆從學于喬卿遂辭而歸鄉後喬卿移居
江戶以妻孥託於族人約使人迎之而喬卿罹
災無力迎之吉甫乃典田宅得金十五兩為妻
孥治裝使人護送喬卿感其義還其金辭而不
受性謙虛喬卿屢勸徙居江戶為教授不肯紀
卒洲亦欲薦諸尾府為儒負又不肯辭曰抗顏
稱儒者非吾所能及也常謂居足以容膝衣足

以覆體食足以滿腹樂足以忘憂我日安豈願
其餘哉天明中年七十餘而卒著有自放編冠
峰文集綠竹園詩集

江村 綬君錫曰使冠峰身在都下馳騁藝苑則
其歌詩之名不讓於赤羽護洲之諸子惜哉

錦天山房詩詒輒近俗漓友道不古陽相厚而
陰相排擠抗下石溜：皆是也况文人相輕不
但今日如冠峯之大湫實曠世美事足以激濁
勵頑豈辭章之云乎哉

晚歸

破笠懸鷄衣藜杖促歸步餘紅尚啣山宿鴉集喬樹洲
渚夕麗分林巒鐘聲度村落爨烟青水面匹練素行人
去不休危岸半埋霧放眼暫徘徊員手首四顧初絃月
響々留賞更覓句喚舟立秋風蒼々葦葭露

廢寺

山門礎空在殘磴石苔深瓦壁荒河代杉松瘦百尋妖
狐跳古殿怪鳥喚空林寂寞生風籟唯聞梵唄音

菰山歸途取道河圖里將登養老山暮過山村

風霜兩鬢斑斜日照衰顏宿鳥喬林下行人落葉間雲
飛秋寂々谷暗水潺々欲覓香醪去村烟靄隔山

訪杉谷老人山居

山回擁鬱林橋斷竹門深石路青苔滑嵐邊白日陰怪
巖依老睡暗谷鳥王吟中有童顏客可論無始心

筑紫道中夜過十里松

萬里秋風通九州西海隔久無鄉信至徒有雁群呼樹
暗濤聲近雲寒月色孤人家何處所回首獨踟躕

聞笛重別荒川有年

誰家吹玉笛離曲不勝春對酒梅花落迎風柳色新何
堪同調客獨作異鄉人夜々寒山月相思淚濕巾

冠山寺對雪

積素埋人跡盤回不易攀新開雲母障幻出水晶山迷
鹿銀閣下饑禽畫閣間瑠璃凝石壁瓊玉隔塵寰許酒
能憐客題詩此解顏葦堂愈皎潔深坐竟忘還

安福隼人暮秋赴東都初冬還西京便道信宿笠

松里余時自洛歸留飲小樓贈賦

秋冬之際再經過東海風光興柰何蓮岳入詩餘白雪
琶湖張樂疊青波丹楓映帶歸衣錦彩筆新裁別路歌
此去西京高臥日夢魂吾亦度山河

菰山客舍寄平洲太湫時余將西向長嶠

風送鹿鳴三嶽幽天涯一望倚高樓雲開白雨當軒霽

月出青山傍檻浮，縱有酒杯寬旅悶，豈無詞筆憶心游。
如今已寄相思淚，况復西溪萬里秋。

遊福濟寺

上界清風遠世喧，登臨此日滌塵煩。經聲曉雜蓮花漏，
色相春深祇樹園。碧瓦金繩懸霧裡，朱欄畫棟倚雲根。
人言東土無雙地，自是西來第一門。二句木菴和上所筆

岐山懷古

岐阜之西風水傍，蘭樓椒壁挂為梁。蛾眉黛映金華色，
蟬鬢衰凝鏡石光。古樹花深人不見，荒溪苔滑日空長。
瑤臺十疊成塵跡，月冷風悲徒斷腸。

庚子言
聞星東亭歿東都悽惻不自勝強作一章代哭詞
颯爾寒風玉樹摧訃書千里入悲哉豈圖昨夜同遊夢
更益今朝永別哀絃斷高山為異世賦成服鳥憶竒才
修文地下人安去慟罷魂兮招不來

菰山

重疊水與山不是知音少吾哭水又號我喜山亦笑

登金毘羅山

山色殊竒絕空波四望明雲根君勿觸風雷咫尺生

舟行

朝發赤閭關暮浮玄海灘水天同一色客思渺漫々

聞新雁寄懷赤須真人

一別無音信懷人倚水樓時聞新雁響北望白雲秋

踰玉筍山

泥阪石如齒咫尺烟嵐迷舉頭不見馬但聞雲中嘶

寄遠曲

單枕不為睡空寫相思字拭篋盛封中有一滴淚

諸少年醉歸有感

少年意氣競豪華老去悲秋暮景斜醉裡自憐雙鬢雪
昔時花月在誰家

鵲鴿原奉懷家兄子長

東華言
山以樹色正黃昏搖落秋風愴旅魂東望故園路萬里
思君淚墮鷓鴣聲

送南秋月還朝鮮國

周冠不改自魏我博物驚若賦咏多至筍紅霞流深筆
青蓮白雪散為歌觀風已盡東方地探勝將歸北海波
別後相思唯有夢冬天明月奈情何

送朝鮮金退石

故國三十里佳入衣錦歸春風二三月花傍錦衣飛

赤松鴻

字國鸞號滄洲本姓大川稱鴻平播磨人遊學